

Isomaginninnermut, Ilaqtariinnut, Suliffeqarnermut
Nunamullu Namminermt Naalakkersuisoqarfik

2023

**Siunnersuut uunga Utoqqalinersiaqarneq pillugu Inatsisartut inatsisaata
aamma siusinaartumik pensionisiat pillugit Inatsisartut inatsisaata
allangortinneqarneri pillugit Inatsisartut inatsisaat
(Utoqqalinersialinnut siusinaartumillu pensionisialinnut pensioninik
naatsorsuinermi pilersuisussaqaatigiinnerup atorunnaarsinneqarnera)**



UTOQQALINERSIAQARNEQ

Utoqqalinersiat toqqammaviusumik aningaasartaqarput aamma utoqqalinersianut tapeqarlutik.

Toqqammaviusumik aningaasartat ullumikkut aappaqarsimappat isertitaaniit attuumassuteqanngillat.

Utoqqalinersianut tapeq siunnersuummi UKA2023/26 saqqummiunneqartumi ilanngullugu aappaqarsimappat isertitaaniit ulloq 1. januar 2024-mi attuumassutaarutissaaq.



Utoqqalinersiaqarneq pillugu Inatsisartut inatsisaanni allannguutit

§ 5, imm. 2.

§ 5, imm. 2, utoqqalinersiallip aappaqarsimappat isertitai utoqqalinersianut tapiniit attuumassuteqarnerat atorunnaarsinneqassaaq.

Tamatuma kingorna utoqqalinersianut tapermik naatsorsuinermi taamaallaat utoqqalinersiallip pisortanit utoqqalinersiaata saniatigut nammineq isertitai aallaaveqalissapput.



Utoqqalinersiaqarneq pillugu Inatsisartut inatsisaanni allannguutit

§ 10, imm. 2.

§ 10, imm. 2, utoqqalinersianik ilannaanermi killissarititaa aalajangersarneqarput, iluarsineqarlutillu imatut, aappaarsimappat-mut innersuussinerit atorunnaarsinneqarlutik.

§ 10, stk. 2 iluarsineqassaaq imatut:

” Imm. 2. Toqqammaviusumik tapeq ilanngunnagu, aamma Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat naapertorlugu ~~siusinaartumik pensionisialiit~~ utoqqalinersialiit ilanngunnagit, utoqqalinersianut tapeq ilanngaateqassaaq utoqqalinersiaqartup ~~aappaqarpallu~~-ukiumut isertitai maanna atuuttut ~~katillugit~~-ukunanga qaangiisimappata:

- 1) Utoqqalinersiaqartumut kisimiittumut kr. 156.000.
- 2) Utoqqalinersiaqartumut aappaqartumut kr. 183.000, tak. § 5.”



Ilanngaannermut malittarisassat atuuttut takkuttussallu sanilliullugit

Inatsit atuuttoq malillugu ilanngaasarneq

Utoqqalinersiallimmut aappaqartumut malittarisassat atuuttut malillugit utoqqalinersianut tapeq 46.307 kr-it angullugit tunniunneqarsinnaapput (§ 10, imm. 1)

Utoqqalinersiallip aappaatalu pisortanit soraarnerussutisiaasa saniatigut isertitai 183.000 kr-it qaangerpatigut ilanngaanneqassapput.

Ilanngaaneq isumaqarpoq, utoqqalinersianut tapeq utoqqalinersiallip aappaatalu **183.000 kr-it qaangerlugit isertitaasa 22 procentiannik ilanngarneqartassasoq**. Pisortanit utoqqalinersiat naatsorsuinermi uani ilanngunneqanngillat.

*Tamanna isumaqarpoq, utoqqalinersianut tapeq 0 kr-inut appartinneqassaaq utoqqalinersiallip aappaatalu pisortanit utoqqalinersiaasa saniatigut **katillugit 393.486 kr-inik isertitaqarpata.***

UKA 2023/26-mut siunnersuutip kingorna ilanngaasarneq

Inatsisssatut allannguutissap kingorna aappaasup isertitai utoqqalinersiallip utoqqalinersianut tapeq pillugu naatsorsuinermi ilanngunneqartarunnaassapput.

*Tamanna isumaqarpoq, utoqqalinersianut tapeq 0 kr-inut appartinneqassasoq pisortanit soraarnerussutisiaast saniatigut utoqqalinersiallip **kisimi isertitai amma utoqqalinersiallip 393.486 kr-it anguneqarpata.***



NAALAKKERSUISUT
GOVERNMENT OF GREENLAND

Assersuut 1:

Utoqqalinersialik, utoqqalinersiami saniatigut isertitaqanngitsoq, **aappaqartorli ukiumut 200.000 kr-inik aningaasarsiaqartumik.**

Malittarisassat atuuttut:

Utoqqalinersialik utoqqalinersianut tapermik annerpaamik tunineqarsinnaavoq 46.307 kr-inik.

Pineqartumut aappaasoq ukiumut **200.000 kr-inik** aningaasarsiaqarmat aamma taamaalillutik aningaasanut killigititaq 183.000 kr-it qaangerlugit, utoqqalinersianut tapeq ilanngarneqassaaq imatut:

$200.000 - 183.000 = 17.000$ kr-it

17.000 -iniit 22%-it = $(17.000/100 \times 22)$
3.740 kr-it.

Taamaalilluni utoqqalinersianut tapeq ukiumut **(46.307 - 3.740) 42.567 kr-it.**

Inatsisissatut allannguutissap kingorna:

Utoqqalinersialik utoqqalinersianut tapermik annerpaamik tunineqarsinnaavoq 46.307 kr-inik.

Pineqartup aappaata isertitai utoqqalinersianut tapeq pillugu naatsorsuinermi ilanngunneqartarunnaartussaammata, taamaattumik utoqqalinersianut tapeq ilanngarneqassanngilaq.

Taamaalilluni utoqqalinersianut tapeq ukiumut **(46.307 - 0) 46.307 kr-it**



Assersuut 2:

Utoqqalinersialik, utoqqalinersiami saniatigut isertitaqanngitsaq, aappaqartorli sulisartumik ukiumullu **300.000 kr-inik** aningaasarsiaqartumik.

Malittarisassat atuuttut:

Utoqqalinersialik utoqqalinersianut tapermik annerpaamik tunineqarsinnaavoq 46.307 kr-inik.

Utoqqalinersialik, utoqqalinersiami saniatigut isertitaqanngitsaq, aappaqartorli sulisartumik ukiumullu **300.000 kr-inik** aningaasarsiaqartumik taamaalillutik aningaasanut killigititaq 183.000 kr-it qaangerlugit, utoqqalinersianut tapeq ilanngarneqassaaq imatut:

300.000 – 183.000 = 117.000 kr-it

117.000-iniit 22%-it = (117.000/100 x 22)
25.740 kr-it

Taamaalilluni utoqqalinersianut tapeq ukiumut (46.307 – 25.740) **20.567 kr-it**

Inatsissatut allannguutissap kingorna:

Utoqqalinersialik utoqqalinersianut tapermik annerpaamik tunineqarsinnaavoq 46.307 kr-inik.

Pineqartup aappaata isertitai utoqqalinersianut tapeq pillugu naatsorsuinermi ilanngunneqartarunnaartussaammata, taamaattumik utoqqalinersianut tapeq ilanngarneqassanngilaq.

Taamaalilluni utoqqalinersianut tapeq ukiumut (46.307 – 0) **46.307 kr-it.**



Assersuut 3:

Utoqqalinersialik, utoqqalinersiami saniatigut isertitaqanngitsoq, aappaqartorli sulisartumik ukiumullu **400.000 kr-inik aningaasarsiaqartumik.**

Malittarisassat atuuttut:

Utoqqalinersialik utoqqalinersianut tapermik annerpaamik tunineqarsinnaavoq 46.307 kr-inik.

Pineqartumut aappaasoq **400.000 kr-inik** aningaasarsiaqarmat taamaalillutik aningaasanut killigitataq 183.000 kr-it qaangerlugit, utoqqalinersianut tapeq ilannarneqassaaq imatut:

400.000 – 183.000 = 217.000 kr-it

217.000-niit 22%-it = (217.000/100 x 22)
47.740 kr-it.

Taamaalilluni utoqqalinersianut tapeq ukiumut (46.307 – 47.740) - **1433 kr-it** (= **0 kr-it**) utoqqalinersianut tapeq tunniunneqassanngilaq.

Inatsisissatut allannguutissap kingorna:

Utoqqalinersialik utoqqalinersianut tapermik annerpaamik tunineqarsinnaavoq 46.307 kr-inik.

Pineqartup aappaata isertitai utoqqalinersianut tapeq pillugu naatsorsuinermi ilanngunneqartarunnaartussaammata, taamaattumik utoqqalinersianut tapeq ilannarneqassanngilaq.

Taamaalilluni utoqqalinersianut tapeq ukiumut (46.307 – 0) **46.307 kr-it**



Siusinaartumik pensionisiat

Siunnersuutip siusinaartumik pensionisiat qaffasinnerpaat pillugit naatsorsuinermi aappaqarpat isertitaanut ilanngullugu attuumassutaarutsinneqarpoq.

Tamanna pivoq "aapparisaata" pillugu innersuussunerit ukunani atorunnaarsinneqartut:

- § 15, imm. 3, siusinaartumik pensionisiat annikinnerpaat,
- § 16, imm. 3, siusinaartumik pensionisiat akunnattut, aamma
- § 17, imm. 3, siusinaartumik pensionisiat qaffasinnerpaat

Tamatuma saniatigut § 17, imm. 4 atorunnaarpoq, aappaasup isertitai apeqquataatinngit pensioninik minnerpaanik ullumikkut qulakkeerisoq, tamannami aapparisaq isertitai pissutigalugit ilanngaannermut periarfissaq § 17, imm. 3-mi peerneqarnerani pisariaarutissammaat.



Siunnersuutip aningaasaqarnikkut kingunerisassai

Inuit ilaatinneqartut amerlassusaat:

Siunnersuutip suliarineqarnerata nalaani

(Najoqqutaq: *Naatsorsueqqissaartarfiup* dec. 2021-mi tunngaviumik paasisutissaatai aamma 1.1.2022-mi inuit amerlassusaat tunngavigalugit):

4144-t utoqqalinersiallit

Taakkunannga 1598-it aappaqarput aamma siunnersuummit ilaatinneqarsinnaallutik.

2584-t siusinaartumik pensionisiallit

Taakkunannga 1301-it aappaqarput aamma siunnersuummit ilaatinneqarsinnaallutik.

Siunnersuummit utoqqalinersiallit 1598-it aamma siusinaartumik pensionisiallit 1301-it kalluarneqasapput



Siunnersuutip aningaasaqarnikkut kingunerisassai nangillugit

Siunnersuutip aningaasaqarnikkut kingunerisassaanik naatsorsuinerit taamaallaat
ukunanga tungaveqarput:

1598-it utoqqalinersiallit, aappaqartut (15,3 mio. kr-it)

aamma

1301-it siusinaartumik pensionisiallit, aappaqartut (16,8 mio. kr-it)

Siunnersuummut ukiumut aningaasartuutit katillugit **(15,3 + 16,8) 32,1 mio. kr-it**
utoqqalinersialinnut siusinaartumillu pensionisialinnut saniatigut tunniunneqartartussat
taamaallitutik siunnersuummut oqaaseqaatini allanneqarsimasut eqqortuupput.



NAALAKKERSUISUT
GOVERNMENT OF GREENLAND

ULLUMIKKUT QUJANAQ 😊

